



COMUNITED VSCHINELA DA
SEGL I/ENGIADINA

PROTOCOL

2 Radunanza generela da la Comunitad vschinela da Segl dals 27 october 2025

PRG 2 – 27-10-2025

Data: Lündeschdi, ils 27 october 2025
Lö: Chesa Cumünela
Uras: 20.00

Suprastanza	Funcziun	S-chüso
Reto Melcher	President	
Martina Rominger	Actuar	
Patrizia Westreicher	Chaschiera	
Susi Witschi	Suppleanta	
Noldi Clalüna	Suppleant	

Seduta suprastanza aunz la radunanza generela	
1.	Dumanda Antonio Walther – Event dals 16 schner 2026
	<p>Antonio Walther dumanda in üna e-mail dals 12 october 2025 la suprastanza vschinela per il permiss da fer als 16 schner 2026 ün event sülla parcella 2061 chi'd es proprietad dals vschins da Segl.</p> <p>La suprastanza vschinela as decida cunter la dumanda e nu do il permiss ad Antonio Walther our dals motivs cha's ho memma poch as infumaziuns sur dal event e cha, in cas da memma pocha naiv, gniss transportada naiv artificiela cun camiuns al lö dal event.</p>
	<p>Decisiun: La suprastanza refüsa la dumanda dad Antonio Walther per üna permissiun da druver il terrain da la vschinauncha burgaisa sün la parcella nr. 2061 per ün evenimaint ils 16 schner 2026.</p>

2	Tschaina annuela da la suprastanza vschinela
	La tschaina annuela da la suprastanza vschinela ho lö als 10 november 2025 a las 18.30 aint il Hotel Seraina . Quist an dess eir piglier part la cumischiun da gestiun.
2 Radunanza generela da la Comunitad vschinela da Segl	
1.	Bivgniant e s-chüsas
	<p>Reto Melcher bivgnaint a tuots a la radunanza generela. El constata cha l'invid saja confuorm culs tschantamaints e cha la radunanza es valabla.</p> <p>Scu prüm vulesch Reto Melcher der memoria al defunt vschin da Segl William "Bill" Wilkins e fer ün minut da silenzi. – ils preschaints staun sü.</p> <p>Gusti Clalüna vain tschernieu scu scrutinadur.</p> <p>S-chüser as laschan: Roger Rominger, Valentina Westreicher, Madlaina Giovanoli, Melanie Rominger, Erika Rominger, Peter Vilwock, Adrian Gilly, Mario Barblan, Ramona Clalüna, Reto Zuan.</p> <p>Preschaints sun: Renata Giovanoli, Martina Salis, Andrea Pedrun, Gian Kuhn, Gusti Clalüna, Nadia Clalüna, Lurdes Clalüna, Dumeng Giovanoli, Marco Füm, Pierino Bivetti, Cilgia Giovanoli, Noldi Clalüna, Reto Melcher, Patricia Westreicher, Susi Witschi, Martina Rominger – 16 persunas.</p> <p>Reto Melcher</p> <ul style="list-style-type: none"> - Il protocol da la prüma radunanza generela dals 3 avrigl 2025 e il protocol dad hoz vegnan publichos aunz la radunanza generela da l'an 2026 sülla homepage dal cumün politic. A nu do üngünas annunzchas da pled ed ils preschaints sun d'accord cun il proceder.
3.	Revisiun dals tschantamaints
	<p>La suprastanza ho revais ils tschantamaints seguond las pü novas ledschas chantunelas. Els sun eir gniesu trattos culla cumischiun da gestiun. L'Uffizi da vschinaunchas ils ho accepto cun poch mūdamaints. La traducziun ho stuvieu gnir fatta a basa dal text tudasch e dal text rumantsch grischun. La suprastanza ho surpiglio dals tschantamaints dal an 1986 uschè bger chi d'eira pussibel, ma infra ils ultims 40 ans s'haun müdedas diversas prescripziuns. Ils tschantamaints as pudaiva charger gio da la pagina d'internet dal cumün da Segl politic. A quels vschins cha'l president vaiva l'adresa dad e-mail, ho'l tramiss per e-mail ils tschantamaints.</p> <p>Reto Melcher</p> <ul style="list-style-type: none"> - Ils tschantamaints vains tramiss gia duos voutas a Cuir. La prüma vouta es que turno ter culurieu e nus stuvaivans surlavurer aunch'üna vouta. La seguonda vout d'eira que meglider. - Reto Melcher vo très ils tschantamaints e spiegha divers artichels cun remarchas. - Art. 20 dret d'iniziativa po gnir fat cun 15 persunas. Es que memma u memma poch?

	<p>Dumeng Giovanoli</p> <ul style="list-style-type: none"> - Quaunts vschins vains nus? <p>Reto Melcher</p> <ul style="list-style-type: none"> - Intuorn 80 <p>Reto Melcher</p> <ul style="list-style-type: none"> - Tal art. 28 Protcols ans ho il chantun miss aint diversas robas novas, scu per exaimpel cha'l protocol stu gnir publicho infra ün mais in möd üsito zieva la radunanza. - Nus mettains ils protocols nouv sülla pagina d'internet dal cumün politic da Segl. - Tal art. 43 Gestiu vains do üna nouva cumpetenz a la presidenta u al president suot il nummer 3 «La cumpetenz da decider ho exclusivamaing la suprstanza da la Communited vschinela. Fatschendas main importantas u dependentas da convegnas e dret public po il president u la presidenta, zieva orientaziun da la suprstanza, regler in egna cumpetenz.» Per exaimpel scha vegnan fat dumandas da fabricats sün nos terrain. Reto: Que vain sün mia maisa ed eau tramett que per mail inavaunt al rest da la suprstanza. Zieva la resposta dun eau l'OK cun mia suottascripziun. - Nouv stu la cumischiun da gestiu fer ün rapport in scrit per la radunanza da la Comunitated vschinela. Que es reglo suot art. 45 nr. 1. - Siand cha cha que nu do dumandas gianis invaunt tar la votaziun. <p>Gian Kuhn</p> <ul style="list-style-type: none"> - Eau vules ingrazcher a Reto Melcher e la suprstanza per la lavur fatta. <p>Decisiun: Ils tschantamaints vegnan acceptos unanimamaing cun 16 vuschs.</p>
4.	Tschernas
	<p>Reto Melcher</p> <ul style="list-style-type: none"> - Nus vains da tscherner la suprstanza e la cumischiun da gestiu per il prossem trienni. - A disposiziun as mettan: - Reto Melcher (president) - Martina Rominger (actuara) - Patricia Westreicher (chaschiera) - Susi Witschi (assessura) - Noldi Clalüna (assessur) - Renata Giovanoli (cumischiun da gestiu) - Dumeng Giovanoli (cumischiun da gestiu) <p>Decisiun: Ils commembers da la suprstanza sun gnies reelets in globo cun 11 vuschs unaninamaing. Ils comembers da la cumischiun da gestiu sun gnies reelets in globo cun 14 vuschs unanimamaing.</p>
5.	Varia
	<p>Dumeng Giovanoli</p> <ul style="list-style-type: none"> - Vos vais eir clappo l'invid per la radunanza cumünela dals 4 november 2025. Que am fo gnir trist in che direcziun cha nos cumün politic as mivainta, scha's conguela scu cha nus, la Comunitated vschinela, fains nossas lavurs. A me es important cha'ls giuvens da Segl vegnan uossa activs e na pür cur cha sun 85 ans. Nus ans stuvains fer ferm per Segl.

Reto Melcher

- Eau poss be sustegner ils pleds da Dumeng. Aint il ultim rapport da cussagl d'eira scrit aint: "Nus vain discurreiu sur da la piazza d'aviatica, sur l'ospidel, etc.", ma che cha'd es gnieu discus nu d'eira scrit. La resposta sün mia dumanda tal cumün es gnida da la presidenta e nu d'eira brichafat sufficiainta.

Reto Melcher

- Scha que nu ho pü dumandas vulessi serrer la seduta. Grazcha fich per vossa preschentscha e vossa fiduzcha.

Seduta es a fin las 20:50

L'actuara:

Il president:

.....
Martina Rominger

.....
Reto Melcher